


八述奇

卷之十九

地 980
917-8
部三:19



八述奇卷十九

鐵嶺張德彝在初隨筆潘士魁校



光緒三十一年九月二十日庚寅晴英重貿易倫敦貨物往來懋遷水路則城東太木斯江岸北各船塢陸路則城北約克發斯兩道中間各車站均為會萃之地四面載運皆以大車路闊方得暢行今倫敦街道雖四通八達其近老城一帶仍多湫隘紆曲以故各貨車多旋繞而行經新城各區紳董英稱靠安悌靠安喜近日在華稱工部局類乎地方官者會商商定由亥蒿本街中間路南北對驛桑屯路之小

奎印巷向南直開大路一條南至司特蘭街之詠阿悌戲園旁南可渡倭特路橋至江南岸北可順格蕾萃諸大路直抵大北方車站計長洋里四分之三約二華寬百尺拆買各巷樓房五十一所共直十七萬九千六百鎊數月來拆房補房平道築道至今始成統費四千二百萬鎊此款由新城各工部局公攤非支自官庫及解自官囊者蓋平日住戶之捐項也地屬新城故專歸新城而老城屬美爾周年近款稅則捐項統歸美爾亦似乎即位一年之百堞小城之民主也是街南北兩名南

半曰阿堆址北半曰慶斯衛今日午正請國君與后開門君與后先走過他人始敢往來宮車所向定路由南而北先在司特蘭街談阿悌戲園西之舊韋荅此街南口外立一彩綢牌樓旁一小臺上立衛斯民司得區美爾紫斯莫高本區美爾費彩鐸蓋地南北屬此兩區也宮車到費美爾之幼女英齡趨前獻君后鮮花一束繼而由此轉北過牌樓入新開路馳至兩街之間橫有鐵門由門向南搭紅白綢彩棚長逾百碼地鋪花毯左右列看臺兩層中坐由法國請來游玩之工部局人六

二

十餘地皆本國之男女鏡門前一方便臺上鋪紅氈置二金椅君與后至未下車又有幼女庫柏奴獻君后鮮花一束下車登臺入座工部局首領庫安慰立陳數語畢國君立答一段大指皆謂開此大道以利商民等語言畢庫遞君金鑰一君以之向臺前石墩孔內一推鐵門即開蓋鏡門與石墩中通有電氣關鍵也君與后登車出鏡門走慶斯衛新開街至亥高本街轉西回卜靜宮君著元帥粘桂后著銀鼠披肩其黃沙墊道兵丁站街護送馬步巡捕彈壓以及男女擊掌歡呼各節由來一

律無須瑣述左右看臺共坐人二千五百零人工物料費至一千零九十九鎊云

二十一日辛卯晴爽止同內人乘車至斯達佛坊第十
一號赴靠卜路夫人家茶會并會巴里眾紳董樓房崇
閱男女千百至子初偕阿柏的音伯夫人等下樓夜餐
食畢登樓少立辭歸法京工部局首領卜路斯率屬員
六十十九日到此入卜靜宮覲見君先與卜路斯握手
繼而卜路斯側立眾陸續進見代為報名君亦一一握
手出宮後坐雙馬車三十輛至騷斯瓦總救火局看兵

三

演各救火技在彼冷葷午酌晚經本城工部局首領邀
在賽西店晚餐同座有法國公使各堂官皆項結紅白
藍三色領帶取色于兩國國旗以明鄰交和睦之誼昨
日在阿堆址新開道君見卜路斯即立至臺邊與之握
手并帶見君后彼此操法語交談許久未初一刻自彼
去曼琛府午酌徇美爾請也共桌四百人為英法兩都
城之工部局及新舊兩城各美爾阿得曼等去此轉至
沙浮斯百里大街法國醫院施助一千五百方拾鎊既
至克勒月衛街之麥代屯學堂學生八十名辭操既整

而同歌法之馬賽蕾斯曲前尤字字清楚因施助十鎊
今日午刻由本城工部局先約伊等坐電汽公車馳至
牛克洛斯門看其公車廠并至所設之六本土一夜之
棲流所如代他佛街之喀荅屯房等入工部局公所午
酌後再至格林泥址村看通城造電總局遍觀畢末去
克洛斯迺司莊看陰溝淨水廠蓋通城穢水由管筒流
匯彼處經機器清分淨水入江污水糞田以上各處皆
工部局所司故請觀之沿途有工部局各學堂學生及
各救火分局之兵役列隊迎迓又因昨在新開道一婦

四

名苟麻里者為法人所乘馬車之馬踢傷今晚卜路斯
特匪十鎊交慶斯醫院作為養傷費云此次法人來英
又為德廷所忌蓋自昔德勝法後經德相王爵畢馬
與俄奧義三國設法聯盟以備英法彼時德兵多而義
兵數不抵德憲義弱遇事不敵義遂勉添兵額每年所
費不貲數年前英法互易埃及摩洛哥兩地理事之權
一節德雖迫於無可如何心雖不然亦姑聽之去歲英
法辦妥多年未定之捕漁等案英君赴義法兩國而義
王法總統咸來答拜因德欲聯法遂處處盡感使法離

英乃德國愈欲使分而兩國友誼愈密故今春兩國兵輪互拜此時彼此工部局又互相往來英法既合因之義日亦與之和于今俄敗德勢頗蹙又法國外部大臣戴喀希為人精幹怨德而和英屢為德廷所不喜登報斥之法恐怒德事生勒令辭職法民由此怨怒謂我國內廷公事豈他國所能干預初次如是將來德之于取予求悉索何饜云云即此以觀則環球之有類于此者盍以為前車之鑒

二十二日壬辰陰晴不定亥正偕內人乘車至法國使

五

館赴茶會復遇法國工部局諸人及各國公使等子正

回使館英國太子與妃曾擬冬日游印度日昨十四日

午初二刻十分由卜靜宮乘馬車至維克都里亞火車

站英君與后送之藍斯瑞侯潘布露侯法爾夸公坡蘭

公等并他世爵命婦與之握手話別君親太子吻后于

太子妃如之即時車開聞其至都位坐官船到夏蕾改

坐專邊火車于今日申正二刻抵熱諾瓦即登本國兵

輪立諾安戍刻展輪定于西十一月初九日即十三日

印度孟買君派隨往由英乘船前赴熱諾瓦等候者為

沙五斯百里公夫婦色爾杜格代色爾柯斯特約明年西四月底五月初方回順路至希臘國阿森城拜其王與后希王兄也前英后在彼少住後至義國維呢斯海口登岸乘火車至夏蕾走英海峽回倫敦太子又帶有上等氣球擬在印度半空俯瞰各城太子之三子由杜策小姐與胡阿安賽二君領赴英蘭正東諾爾福府三汀梳城之約爾克別墅小住以待其回

二十三日癸巳陰而細雨陣陣今日係西歷十月二十一日值迺勒森在特拉發拉夏爾前見水軍報捷因傷身

六

故之期之百年因而通國大小各村鎮各屬地及各海口無不慶賀其獲海權之功

自是得支布洛他為大洋與地中海之門戶并

追憶其亡身報國之忠早在柏明根鑄錢局以迺勒森當年所駕兵船之銅鑄造銅餅大小萬餘鑿有兵船并迺勒森之首象且奉英皇諭准加ER VII等字義乃國君埃達倭第七也外有領扣手牌及迺勒森小銅像等以之贈送學堂館院男女孩童用作記念以上均由英外水手會承辦雖云特贈而物之大小亦視乎助錢之多寡耳賣價由一先至五先不一聞此款用助商賈漁

船在特拉發拉夏爾坊中間之迺勒森石銘柱上下挂
國旗花圈并花葉長繩繫至四角四鐵獅項上石座四
面尤多環柱行行如團龍又自頂上至石座左右挂小
旗兩行清晨有水師學堂之童子軍數百名手執器械
列隊至石柱前向之行軍禮後赴阿拉柏堂聽樂午後
各水師武官及倫敦美爾至石柱前聽巴克爾教士祝
禱并歌老百年名曲時有御營兵在彼奏樂奏至迺勒森
身軀軍勞樂時柱頂國旗下繫一半繼而國旗繫上有
瓦達森者歌齊卜齡名鼓激人心詩并天保國王歌軍

七

樂隨奏四面環立男女千萬偕聲唱和遠聞數里又太
子二子埃達倭兄弟乘宮車經過石柱則同立起向柱
免冠行禮并奉一大花圈套于柱頂石像上在阿拉柏
堂中係經英外水手會賣票聚人男女老幼數千自申
初先經色爾卜拉希前演說一段既經教士梅爾祝禱
大指皆讚嘆迺勒森有報捷身死大功以就大名以傳
各語通堂男女皆泣下且每言至迺勒森身故一語堂
中所懸各旗亦皆繫下一半用以示哀此後丁斯岱夫
人上臺將迺勒森小銅像分與各著名尊貴之人第一

謂贈送大東方今世名垂宇宙之迺勒森日本水師提督東廂日音即有日本使館隨員水師守備喀巴拉漢字未詳登臺代東廂接收隨陳數語謂特異者迺勒森百年後使日本水師同獲斯名亦東公之幸也一千八百零五年英國水軍獲勝百年後于一千九百零五年乃日本水師亦然在日本海東君亦升其旗不更奇耶言畢出東廂來電云今日百年盛事所贈念念不忘領受之餘感謝無既此後他人連歌兩曲一名我國水軍一名在特拉發拉夏爾灣後奏樂歌曲亦極熱鬧又堂中

英君本有包箱今日特賜英外水手會中人坐按此箱本係國君按年以若干鎊包定者此次既蒙賜准他人入坐于是談會擬令其施助最豐者坐之至今日坐者為誰未聞又在伯爵府英名額勒斯闊爾特先名印度會場因集

印度物上年改列義國物本年陳英國物詳見前

因有障眼行船畫又值天漸

短寒涼陰霧游人不多擬定明日關閉乃用行船畫借今日慶賀迺勒森海戰獲勝設法化錢用賑航海之孤寡半月前談會來信出售進門票每本二十頁善人君子願買若干本祈示知余遂寄去兩鎊連票本到分賜

中英各僕役又自昨日各處懸旗慶賀。倫敦漁業公所亦于昨晚設讌慶斯盛事。席間公所接日本水師提督東廂賀電其文曰：今為慶賀貴國前海軍提督迺勒森立功百年之良辰，迺提督功勳卓著，震耀寰宇，實為不世出之巨僕。景企之私，與時俱深。敝國水師一切規模，皆取法於貴國。言念及此，尤深感戴。際茲盛舉，謹電數語以表愚忱。今早英屬地莫洛他島，在地中海義國西見斯之間詳，操演水軍聲礮祝禱，中止二刻，為迺勒森曩者殞命之時。各兵官在各船尾列隊，到時旗下一半各

九

人免冠樂奏喪樂。英名代埃麻爾池晚談島總督色爾巴蕾斯佛讌會各船兵官演說迺勒森前後各事，同望各存忠君保國之心等語。傳坡茲茂斯之維克都里亞兵輪滿懸桂葉花圈，早在船面唸經祝禱。後開船緩行，通船兵官操演放礮，作當年迺勒森交戰式。入夜滿燃花燈，設席讌客。其他各地諸多類此，誠屬一時殞身為國計百年傳名表人心。二十四日甲午陰，是日為彼星期。申初司台普乃比翔在賢波羅大教堂中誦經祝禱。迺勒森屆時國君太子

皆簡人代往英各屬地亦皆遣有專人赴此堂者本國
文武官并各國公使通堂男女數千誦經間比朔向眾
言迺勒森為上帝使下之武豪乃百年前上帝以燦爛
火光照定英蘭在地球面之地步也伊以誠心願我通
國永享昇平各戒酒色賭博莫欺同類之人貿易須用
良心凡事務皆有益於人云云旋有一人舉匣向眾募
錢余同各國公使皆助一鎊又英外水手會中人謂自
本國英蘇愛三島至各屬地如印度美洲等處今日祝
禱迺勒森之教堂為數不下三萬且凡有英人之處無

不謂今日為迺勒森禮拜日者

十

二十五日乙未晴微暖聞有德人安蓋哈者在德屬地
牛十立屯于四年前創一拜日教曰三倭什坡爾大旨
謂三人同立稱曰拜日兄弟其二人一名魯祖路一名
歐金斯三人首創以之化眾思得將來環地一周皆有
同教者安住喀巴寬島日日修練其法乃終日不衣日
食椰子肉飲椰子汁坐立于烈日下身變銅錫交雜色
夜卧海邊沙地前日逝世年九十六是或衛生而得期
頤之法歟

二十六日丙申晴。入夜陰。聞德人創一巧捷煮肉法。名曰教投麻提克庫克英譯乃自行煮熟也。又名庫克英柴斯特譯乃厨匣也。言匣中即厨竈也。式為馬口鑲小匣。上蓋極緊。不透空氣。將肉先以酥者半熟。或僅三分之一。匣中有架。架下滿鋪烤熟之物。如鮑花。鋸末。乾艸。麥莖。或碎紙。盛半熟肉于盤。置架上。推嚴匣蓋。則無須用火。逡巡肉自熟。是匣能省火工。而有火力。湯與肉于二十四點鐘後食之。尚溫。鄉民入城作工。不能家食。而各于購食物。乃于臨行時。將湯肉煮半熟。納之匣外。裹

土

熟布鋸末之屬。藏于懷。英之天時無滄暑。以故便人工息。開匣食之。肉熟而熱。

二十七日丁酉陰。記西國男女結婚。入堂成禮。往來車馬本無定制。聞昨在立文浦海口有男名安得遜。女名司陶特。同屬得爾貝脚踏車會館。因入賢費里教堂行婚禮。新夫婦同駕一氣車。上插本館藍白色花旗。圍車飾以鮮花。其戚友男女百人。亦多屬本館。咸騎脚踏車。左右兩行。竝肩而走。男子襟插白花一束。手戴白手套。婦女手執鮮花。身著花氅。沿街左右。人皆擊掌歡賀。

二十八日戊戌陰早收外務部轉

電旨一道言本日奉

上諭著派尚其亨李盛鐸會同載澤戴鴻慈端方前往各國
考查政治欽此現尚李兩大臣會同澤公前往英法比日
本等國希知照外部聞英民業商有因虧折無力周轉
將至閉歇者可以稟官稱日報窮事見六乃將其出入
及虧折之數詳細呈官官核是實既允準歇業則其人
即不得列為上等人而人亦咸恥之凡其人往日被欠
之戶乃公抄其財產拍賣按欠項之多寡均分然所得

十一

之數無論幾成皆作了清不能彼此更加理論在西國
此為商家不得已之下策也然各國人心不同西國每
有如此報窮之人皆不齒之蓋以法當然也設此法行
之于中國其報窮之人之戚友有一旦以下等人待之
乎因華人重在人情也近日吾人之羨慕西法者不知
此法亦可學行否

二十九日己亥陰奇事而屢見于英者則有馬口鍊匣
匿屍之案今擇其駭人聽聞者述之如哈爾來斯敦城
米勒屯大街住戴武魯夫婦及兩孩一日戴入保器所

英名立保希多謂將携眷遠遊擬存器具既而運到共
立詳見六述奇箱若干支中一馬口鏡箱極大而重稱係書籍鏡具皆
其素日化學用者四個月後其岳母葛蕾勾里不見女
踪跡遂報官請協助搜尋多日不得末至保器所巡捕
開箱驗之則戴妻與兩孩屍也婦頭挾于兩腿之間兩
孩置其左右因何戕害未聞又慶斯地火車站車到後
經人灑掃滌塵見頭號某車座下遺一黏包包內一馬
口鏡匣開匣視之則一月餘男孩身裂數凶兩膊已失
不知何人所匿一婦名瑪麗者未嫁時在己故外科醫

生瓦勒搜靈克女管家六年前曾產一子生下即死遂
藏諸馬口鏡匣內無人知覺也繼而嫁瓦勒搜瓦故後
即移去誤遺鏡匣于厨內現為人察出告官又自他處
火車寄一馬口鏡匣上書倫敦某巷第几號某人然此
巷并無某號亦無此人名車行無法寄還原地無人認
取迨開匣中一婦并二孿生男孩至今尚未破案

十月

初一日庚子陰涼入夜風記倫敦郵政總局所用人數
前于一千八百二十九年道光九年共計八百現在仍前各

科司事者增至三千五百三十六。再加以後陸續添設各科。如電線得律風存錢寄錢等。統計用人不下一萬九千七十五年。前倫敦城內外送信人共五百六十名。今加至萬名。按舊章信走國內各府者每封九本士。在城內由總局計算在三洋里內者二本士。十二洋里以內者三本士。不論分兩。惟所收各信皆有人向燈映照。一次內紙多於一頁者費加倍。昔時街無信筒。每日午後五六點鐘之間有人週行城內外大小各街巷搖鈴取信。每信一函。加使費一本士。現改通國不逾今兩之

五

函皆一本士。且在城內一日取信十八次。各府村鎮往來向來僅午後一次。今則晝間由兩次至八次不等。向來兩本士之信一天送六次。外村者二三次。至各府皆一次。今則城內外共送十二次。第一次在辰正二刻。前者通城分局及信筒共四百二十五。今則增至四千三百二十四。由總局四面計十二洋里之內。昔者一禮拜約寄四萬件。現除新報包封外。共有一千九百八十萬件。足見事便而費少。總局立章無欺無弊。而使他項生意同時並興者多矣。除官票外。養育男女多工。而紙筆

書墨花片尺牘等一年各鋪不知出售凡幾。

初二日辛丑早大雨午後晴繼又雨聞昨有美國紐約一機器鉅商素稱喀特百萬者因雜病糾纏各名醫束手卒莫得其病源臨歿留遺書允將其屍入大醫學院剖驗冀有益于醫戚友五十餘人聞之驚愕其妻初亦不允奈以謂此為喀君之善念况有遺書尤不可改屍遂入貝勒烏尤醫院俟剖開細驗畢所餘骸骨皮肉則歸火葬前云。

初三日壬寅早微雨午初雨止仍陰入夜大雨傾盆聞


十五

昨在文恣莊一賣青菜人名柯拉克一酒鋪管帳人名韋音斯各畜一犬一日柯犬鼻準有傷告官謂被韋所擊涉訟到官訴係兩犬鬪傷官問其犬名柯犬名努布釋英言豪傑也官按名呼之即至再問韋犬何名答曰普林斯譯乃王爵也官按名呼之亦至于是官判云太平年間王與豪傑不須相鬪按彼此之品位豪傑究屬犯上著罰其主柯拉克六先令兩人牽犬回家完案此事一何可笑。

初四日癸卯陰涼倫敦設有按年賑濟跑報人會英名

牛斯文多爾貝尼烏倫安普婁韋頓音斯的究慎義乃
仁心保養跑報人之會也。蓋每日各報館分送通國各
城以萬萬計。一日兩次。早在寅初。晚在亥初。皆有專人
大捆肩負。馳趕專蕩火車。冷熱不避。風雨無阻。得錢無
幾。誠一苦工。因經善士設法募化。按冬而賑濟之。至今
日。西十明三為設談會。第六十六年。會首馬爾沙定今
晚戌初二刻。在太木斯江維克都里亞慢邊得凱色爾
店筵。讌契友善士及各報館主人。半月前。具帖來請。戌
初乘車往。入見馬爾沙夫婦。并他素識多人。客廳少五

其

轉入飯堂。卓設一橫九豎。作形。共坐男女二百四十
六人。一切器具與他店同。惟每座前五菊花一束。花朵
極大。色分紅白紫黃。惟不甚香。食畢。吃加非。各進捲菸
二枚。火柴一小匣。先首座立起。頌仰英君數語。後舉酒
同祝英君之福。樂奏天保國王少坐。復齊祝君后太子
太子妃及他王族各人之福。樂奏天保君后首座再起。
敘說歷來設此會之利益。既有人按座遞一化錢紙。余
因寫助三吉呢。下書名姓住址。繼而倫敦美爾等六人
陸續各演說一段。末則首座立而向眾宣言。本年所募

共得二千六百六十六鎊三先言畢散席男女各舉鮮菊一束而歸。

初五日甲辰陰雨暖倫敦教堂會眾昨在衛斯民司得堂論及善待生靈因謂自在熱諾瓦議定紅十字會後與戰場受傷之兵官頗獲利益夫既謂善待生靈則戰場受傷之馬匹既不忍其死又何忍視其痛不起今望各大國依然設法立會各營攜帶獸醫每一仗後尋取傷卧馬匹竭力療治以救其生云云此等善舉確望紅十字會中各國同有此念焉。

文

初六日乙巳陰雨如昨聞數月前一印度佛教僧某甲航海至美國喀立佛尼亞邦之洛桑談城宣傳佛法因印度人善英語者多也不及半年婦女之被引入者已數十。中外一理或謂佛以和平良善忠信之心化人恐將來願奉者良多談僧在彼誠心訓導業已化得四萬鎊將建佛寺云余謂佛教始自印度東傳至華至日本現華人又陸續棄本國之儒教及西來之釋教而改奉天主耶穌教今佛教復東傳至美洲使人棄天主耶穌教而入佛教竊以大國各教法雖不同理則一律無往

而非以善化人但願各國之人各以所喜信者任便奉之惟不行互相妒忌欺侮不起爭端各守所奉彼此往來不分黃白不分強弱溫和相處永享昇平實為天下生人之福想各教所奉之主宰亦不咸無此心也將來或有一日如此亦未可知也

初七日丙午陰雨昨見福建日日新聞內一則題曰世界各國之紀年云世界各國紀年各異然是稱歷史上之大紀念為一定不易之記號者厥有八種今將現年之各種紀年表於左列中國黃帝開國紀元四千六百

十一

零三年耶穌紀元一千九百零五年日本神武紀元二千五百六十五年釋迦紀元二千八百五十二年回回教紀元一千二百八十二年美洲發見紀元四百一十二年羅馬開府紀元二千六百五十六年猶太教紀元五千六百六十六年以上八種紀元已嫌其繁按耶穌歷萬國已公認若吾國始祖開創將來革新事業成就不能不兼用之於己國以興國人愛國之心外此又增以孔〇為紀元未免徒為好事適足亂人耳目也云云嗚呼是何言歟竊以立斯言者必已改奉耶穌教僅知

其一而不知其二者也。按謂耶穌歷萬國已公認一語。恐未必然。其他如土耳其、阿富汗、波斯、暹羅等國姑莫論。至英國雖國教為耶穌教，通稱一千九百若干年。然每由議院議有新例，則曰君主維克都里亞若干年。或埃達倭第七若干年。再則附近之日本，雖力効西國而國不改教。凡處皆稱明治若干年。月日雖改而本制終不改也。又謂將來革新事業成就，不能不兼用之於己國。以興國人愛國之心。苟若紀年一改而人民愛國之心頓興。夫葡萄牙、日斯巴尼亞、瑞典和蘭等國奉教已

九

久。何至今乃人心不齊而國勢不振耶。一國之興衰關乎治法。如因改紀年而國治，則治國亦甚易矣。

初八日丁未陰。入夜雨涼。今日為西冬冬月初四日。為其

蓋佛日。

詳見三述奇

早晚貧孩以小木車拽假人街游討錢。

無須再述。倫敦郵政局自西一千八百二十九年。道光九年

至八百八十三年。光緒九年五十五年間加添新法便於人

者有八。一代寄金銀始自八百三十八年。二國內信資

及各屬地皆改索一本士始於八百四十年前。後三准

寄書卷始於八百四十八年。四代民存錢始於八百六

十一年五電信改交信局及信局兼辦得律風皆始自
八百七十年六花片及寄新報報單等式樣節省寄費
亦皆始自八百七十年七信局錢票始自八百八十一
年八代寄包匣小件始自八百八十三年以上名目辦
法詳六述奇

初九日戊申鎮日陰雨烟霧迷漫倫敦郵政總局新舊
三所高樓各有分司辦事屋間如總管處分理處四外
分信司總電局內地電線局修造機器局郵政大臣郵
政協理總理會計及律例訟師各分司代寄金銀司錢

平

票司得律風局內地分信司內地分包匣司收存無主
信件司存錢司製電司雜物庫三樓人共萬餘

初十日巳酉大晴巳正率各參隨向北恭拜

聖牌行三跪九叩禮成初約眾在白玉堂晚酌甚好昨見申
報內一則論孔子生日大紀念因錄之曰今日何日乎
非孔子降生後二千四百五十六年之大紀念日乎史
記於秦本紀列國世家皆書孔子卒老子列傳又書孔
子卒後一百二十九年以示孔子為萬世長生為萬世
師表自漢至今固已震吾人心一無異義是則朝野上

下久已默認孔子為國教，僥僥學子頂禮而膜拜之固其宜也。今日何日，適逢誕辰，吾常有無限感情，蟠際于腦而亦不自知其忽然悲忽然喜也。孔子之教多屬於智信的宗教，而非迷信的宗教，有智信，孔教之所以高出於各教，無迷信，孔教之所以不能普及而為他教所滲入也。彼夫西教誕辰如四月之雞蛋節，舉行瞻禮，全國歡呼，可見迷信宗教之一斑。而吾國民戢戢受治，畏懾神權，其於淫昏屬鬼誕之神，猶且謬託誕日，奉行祝典，而於大聖誕降為獨一無二之聖節，乃反蔽罔不

至

知無人尸祝，亦可知孔子之教不尚迷信，故凌夷衰微，至於如此之甚也。且也入其學宮，登其殿廡，塵埃寸積，茅草叢生，每年除地方官春秋二祭，新生入學外，額皆扁鐫森嚴，擯人瞻仰，由此推之，即被服之儒者，吾料其八月二十七日之聖誕亦久已置之度外。嗚呼！是則可悲也已。然而羣治之破壞，以蔑教為歸，宿文明之肇興，以從教為託始。現今中國科學未進，斷不能離棄宗教而翹然其特立。前十年，廣西創設聖學會，其時適逢聖誕，曾仿庠子拜經之義，以尊至聖，嗣是厥後，橫濱大同

學校上海南洋公學育材學塾。今改均於聖節奏樂演劇藉卹紀念。行見國教昌明一尊已定矣。昨聞本埠學界中人今日種種祝典如龍門師範有影戲南洋中學民立中學等校皆有演劇歡慶誠盛舉也。孔教之價格雖不因慶祝而有所加增而孔教之真理終且因慶祝而多所信仰。至於信仰愈多而社會心目中人人皆有一孔教而孔教乃愈益光大云爾。凡有血氣莫不尊親斯非極可喜之事耶。或曰自哥白尼達爾文倡新科學而宗教將在廢置之例。歐洲今日宗教已成弩末之勢。

三

予猶斷斷以宗教為言。毋乃與梁氏保教非所以尊孔論大相刺謬乎。曰此又言各有當不能據以為實者也。大抵宗教之為物自科學一面言之誠為魘魘之怪物而自羣學一面言之則宗教為羣治之母而人道之所不可一日無者也。梁氏謂學定一尊束縛國民思想遂至闕去孔教不遺餘力其立言之宗旨在望人研究科學豈以治道為必棄孔教耶。且梁氏不云乎無宗教則無統一無希望無解脫無忌憚無魄力又不云乎今日之世界其去完全文明尚下數十級於是宗教遂為天

地不可少之一物。其重取宗教之義。丁寧深切。可見前
之立論為一偏矣。孔教乎。孔教乎。今日為降生後二千
四百五十六年之大紀念日。其盍各買入場券。躬親慶
典。而一盡其馨香私祝之忱也乎。余因讀以上一篇。有
感。隨陳數語。望我同胞。量之于不語怪力亂神。又曰。敬
鬼神而遠之。夫聖人立言以教人。使人知情順理而得
天道。二千年來。後人之所以尊敬者。尊其德行。敬其聖
明也。故按時頂禮而膜拜之。不比他教焚香叩頭。可以
求福。默祝懺悔。即得保佑。孔子大公無我。本不欲人諂

媚。其學宮殿廡之塵埃寸積。茅草叢生也。宜矣。凡人一
生罕不欲求福求壽。生前少病。死後升天。因而奔走廟
堂。焚香禮拜。欲以禱祠為邀福之階。夫升天一節。姑不
具論。至福壽少病。皆由人心自求。不必求諸天神也。苟
能遵守孔子之言。志道行仁。則天君泰然。百弊從令。病
自少而福壽隨之。先聖有言曰。智者樂。仁者壽。其斯之
謂歟。

十一日庚戌。早大霧。午後微晴。繼復陰霧。利貞街路南
之新畫閣。今日為第十五次陳寶名家油續像。數日前

東請一觀申刻率孫女乘車往樓下三大間懸老幼男女油像大小二百四十八幀皆本國之名人富官其男女畫師亦皆一時著名者酉初回使館英例男女成婚皆報官註冊然中下等人有私娶者居久思離多有改嫁他娶者生有子女或歸男或歸女而男認資養聞昨有火車站副管事婁四與醫院伺候女柯莉奴初同居一樓女入醫院婁復屢次去訪末乃致書醫院女首領謂擬娶柯莉奴為妻蓋二人早已聯牀互相纏綿今欲行結縭禮也婁四領女出醫院先去多處買給成親戒

五

指戴之後則引入其室見他人即偽云女為己婚之妻入夜在樓私行婚禮英名謀克麻里埃支譯乃欺騙婚姻也居三年生一兒繼因口角分離莉奴旋見婁四欲仍為夫婦婁四不認亦不認資養其子莉奴告官地方官賽勒細考其往來信函判罰婁四百鎊賠柯莉奴俾其他適云

十二日辛亥鎮日陰霧迷漫不甚冷聞上月下旬曾由日斯巴尼亞京城來電言西十月十一日由日國東北角喀他婁尼亞府正南稍東之巴爾賽婁那海口前運

到盛鮮花大木箱十餘。法國察訪官與本地巡捕疑而開箱驗之。每箱匿炸藥五七包不等。箱皮所書寄文之名姓非鋪店即貧家。爾時附近一人業被捕獲。蓋因法總統不日往拜日王。運此以備轟震。總統盧貝及日王阿芬搜者也。以今時之局勢觀之。天下各國之官場巡捕皆宜細心竭力巡察。預防一切。蓋因人心不古。為主者須防無君黨也。

十三日壬子陰。是日為西十一月初九。英皇之生辰。及新美爾接任之期也。美爾名墨爾根。年七十四。牛月前。

三五

率各晒里夫東請今晚戌初極樂堂晚酌。因國君誕辰。希著朝服。酉正余乘車至。登樓左右排立之城兵唱號。舉槍為禮。轉入大堂。二官執細棍前引。別一人高聲唱名。一路左右排坐之男女鼓掌歡呼。登臺見美爾夫婦握手問候畢。轉立其左。客到齊。分路入飯廳。其卓椅排列。同前三次。惟人數則八百五十五。正面一橫。中除新美爾夫婦外。為卸任美爾夫婦。樞密院首相。外部大臣。夫婦。律法大學士。美國公使。兵海二部大臣。倫敦大主教。輩外國二等公使。僅中國日本希臘比利時與暹羅。

而已酒食禮節演說亦同前次子初席散飯堂別有男女奏樂歌曲客廳改作跳舞場蓋皆老城中人也他人陸續登車各回寓入夜大霧

十四日癸丑早微晴午後細雨連綿昨見八月初八日福建日日新聞內一則謂歐美兩洲數十國祇稅入口貨不稅出口貨其國中及其屬地所需之物此往彼來至二三四萬里之外除有損人身之烟酒二物外概不征抽至出口貨無論運往何地皆為吾民所自造豁免之所以使工藝興盛製造發達以阜國民之則以保閭

三六

閭之富雖俄羅斯為老專制之帝國亦須順輿情顧大局就此範圍云云按以上所言者觀之則各國待民仁厚之德重矣然吾人之未經遍歷兩洲未得細考其情者不得僅以所聞一面之詞而善言誇耀之也今姑將在英所聞者大畧言之以使吾人知談國抽收之法不在外面而在內囊英之土貨出口固無稅而煤仍有稅入口貨免驗雖嚴科徵雖重而凡國人所必須者仍無稅意蓋以出口貨之為本國所必需不欲多往外販則收重稅以阻之入口貨之必人所需而本國所產無幾

則免稅以使源源常來不已。在內雖無人丁稅，而生產
 亡故婚娶給名受洗，皆須報官花使費。凡房地工作借
 貸等事，無論大小立券，即有稅。房稅地稅大小買賣稅
 存產稅進款稅僕婢稅銀號存錢利息稅匯兌稅承業
 稅死人稅襲職稅職稅槍稅狗稅車稅馬稅戒指器
 具房前車旁鑿畫世職名號稅房捐地捐人口捐街道
 捐燈火捐水道捐巡捕捐飯店按樓房地式有稅火車
 按票有稅船隻在本廠按其大小馬力噸數有稅以上
 各節我國皆無，一旦仿行，則必轟然震動，而人曰吾民

五

何辜被此暴橫荼毒較之歐美不有天堂地獄之分耶。
 又謂在中國有孩童老弱僧道尼姑為分利之人，而非
 生利之人，莫非外國不有孩童老弱乎。夫無孩童何至
 老弱，無老弱何得孩童。外國不有僧道尼姑，而闊袖黑
 氈之神甫頭戴斗形白冠，目不斜視之貞女，又皆何人
 耶。又謂兩洲各國無論男女老幼，通計每年每人入款
 多則二千餘元，少亦數百元。中國四百餘兆人，通計每
 年每人所入之款，不知可十元否。吾恐其尚不能至十
 元也。惜其不知外國情形，不相比較，外國物貴錢賤，而

中國乃物賤錢貴各節故擅如此云云耳。並聞法京凡
鄉民之携活雞一隻或雞蛋數逾六枚者進城皆有稅
其內地稅務之重亦可知矣。

十五日甲寅鎮日陰雨微暖倫敦城大人多每年男女
老幼之貧苦無事者數萬入冬尤迫饑寒眾擬共至首
相巴樂佛前求其設法救濟因恐男子成夥滋事童子
被欺壓遂由各區湊得老少婦人八千前于初十日早
各以大車載至柴荅十字街一帶蓬頭垢面破衣赤足
者甚多皆按地分班武官帶領巡捕彈壓無敢喧譁先

走

赴衛斯民司得哲池蒿斯各教堂坐喫茶點繼至白堂
街之本地憲署巴相登臺諭以將定議院竭力維持賑
濟等語後退出順途列隊由卜靜宮前走過蕙國王親
見其苦又前于十三日晚老城新美爾在大阿森卜立
堂一飯本城苦民入門有票計二十五百門外饑寒者
尚有千餘各蕙門票僅有盈餘博得一飽持票入坐者
各得紙袋一袋內肉餅油糕麩包各一平果兩枚茶水
任便

十六日乙卯陰聞上月底倫敦鐵菊會館太子妃領首

設會任人施捨暖衣計需三萬五六千件今送施醫院
 棲流所養濟院及各監牢凡入會者至少須施兩件在
 英之欽定律館陳設兩日備人觀覽王施入者甚夥有
 羊皮襖狗皮手套及毡帽絨襪等太子妃施小孩藍棉
 襖女工棉襯襖及絨花女帽等太子施小孩絨襪手套
 及羊絨腦包多件每件綉太子埃達倭阿拉柏同贈十
 个字太子之女瑪麗亦施自做之婦女應用各物多件
 王后特助二千鎊分送各區云

十七日丙辰鎮日陰霧細雨淋漓稍冷英國著名優伶

充

伊爾伍英本姓卜洛得里名罕里係英蘭夏斯屯百里
 城人生于西千八百三十八年二月初六日道光十年
 貿易三年無成至千八百五十六年年十八歲遂去而
 學戲始于英國各府繼赴美洲至八百六十六年同治五年
 始至倫敦遂聲名日起八百七十八年光緒四年自作班頭
 演戲通國名人讚稱至千八百八十三年光緒九年年四
 十五歲經英君主賜以寶星封爵士遂即改稱曰色爾
 伊爾伍英本年九月十五日在洛亞卜拉佛園中演劇
 成刺將登臺初乃行步躊躇既而仆經人扶入屋中先

時有十五齡莫卜斯者在船行傭工善畫三日前繪就
 一伊爾伍英小影聞伊病急携入戲園務懇伊爾伍英
 署名于其上經人執入得伊勉強書之時為子初十五
 分也此畫將來傳入賽閣必為人所重賞而價亦必昂
 矣後以車載伊赴其僑居之米得籃店急延醫醫至伊
 死矣其家在庇略的里街內司特拉也巷第十七號其
 妻與二子居之長子名罕里次子名洛瀾斯是夜店中
 入殮次日昇伊家中伊妻與二子收得英皇與后及太
 子倫敦美爾等慘惜吊慰之信十九日早開棺雕刻匠

二十

以白蠟按印故人臉模印畢即蓋棺以車運至芬池蓄
 路之勾勒得爾斯格林焚屍場英名厄梳麻堂門外一
 長卓置棺其上旁有機器關鍵鑲門開棺自寸寸搬入
 少頃空棺出鑲門閉牆壁一紅則屍骨成灰矣一小時
 後門再開棺再搬入則骨灰盛入棺中矣通場靜悄無
 聲蓋棺畢輿回停于本巷第十一號男爵夫人卜爾代
 庫滋親家俟二十一日出殯同日伊子并接暹羅太子
 弔唁之電文及法美兩國優伶之祭文前後共收花園
 六百七十三個內有國君公主者各一大小共直五千

鏘衛斯民司得教堂中所葬者皆名臣名士男女其中
 著名優伶亦有三四故擬葬伊于彼以耀之通堂容坐
 二千餘自此信傳出人之欲往觀望而致信堂中者萬
 餘二十日午後其二子與其三十年來所用之老男僕
 冠林森送其靈柩入堂沿途觀者甚眾官兵護送巡捕
 彈壓二十一日午正堂內唸經時國君派往代弔者為
 色爾蒲婁彬代太子者為副將色爾喀凌屯執軍片者
 為阿柏的音伯譚尼森侯卜爾杭侯色爾潘閣萬達木
 馬勒吉戴倭爾名優特立卻得馬皮迺婁羅柏森等一

三

切禮節奏樂唸經咸與他人者同西國之重待優伶乃
 爾故記之是日午正希臘國王來住文恣宮
 十八日丁巳天氣如昨東西各國有一種筆跡冊見再
 不同我國之專求名筆大書長幅也乃男女戚友之至
 契者互請書名姓于其上以作記念繼而添能繪者畫
 半幅能詩者題一首不善詩畫者寫數語邇來復有加
 將指印于名姓旁者已奇矣昨聞新出一種親吻冊頁
 為堪興坦街一女名伊婉妙所創式為厚書一本首篇
 數可溶化之紅顏料一方後則可篇清兮限界人書名

姓畢即口濡紅料向名下餘紙作親吻狀則上下唇即作紅印于其上據云各人唇式寬窄厚薄圓扁短長不同頗易分別記識且書面題云給我一接唇用以記存又每篇首印數字云貴莫貴於記人以親嘴是書之作俑也將亦謂之文明耶

十九日戊午陰晴不定聞倫敦比朔暮款在司鐸衛街設一書手會館名曰音格拉木高斯樓極寬敞共卧房二百零八間外有飯廳書房烟房打球房洗澡房且點電燈并管擦鞋洒掃諸事屋價每禮拜由八先至十五

五

先不一其早晚喫頓飯者每禮拜十六先隨意點買者加三先半客又須外付一鎊作保護錢其最有益于人一事為禁人醉酒又終夜有人看門巡守各人有街門鑰匙戚友往來亦可戍止韓閣夫婦約飯戍初余偕內人乘車往入內見其夫婦與女少叙後下樓入座男女十八人酒食豐美唱酬歡甚食畢登樓少坐喫加非後謝歸時已子正

二十日己未早大晴酉刻陰按希臘乃其國之古地名也英名海現名戈里克或戈里斯國王卓志第二現年

六十歲為英國君后之兄丹麻王之太子千八百六十三年同治年被選即位時年十八歲六十七年同治年二十二歲娶俄國寬斯坦典侯之女歐勒夏為后共生五子一女昨日倫敦美爾在極樂堂備筵請午酌午正希王由文恣宮乘火車抵倫敦帕丁屯火車站改駕四馬宮車走教斯佛牛蓋等街未初五分至極樂堂共卓男女八百十五人食畢被此演說數語未正一刻出極樂堂沿江堤走海公園至帕丁屯火車站回文恣當日由火車站至極樂堂沿途王車所由之路左右懸旗結彩

兵列兩行巡捕彈壓與昔之接待義奧國君同聞英蘭振濟無工苦人自英后施二千鎊後復由新城各善家及新報館戲園飯館銀行并他大生意等施捨已至四萬四千五百鎊又經各人工會公印憑票十萬張分各苦人內稱本人不求施助惟望有工作云通城各區至苦之民選共九千定于二十四日寥寥經人帶領于已初會集于太木斯江畔後將列隊下鄉廣募協助僱工云

二十一日庚申陰冷記外國日三餐而多重晚飯肉食

既多而無冷葷卓皆鋪白布各人一白飯單一小白布
為喫鮮果淨指用凡大饌無非排列鮮花增陳銀器罕
有別出新意者若人家請客不多每經女主人巧思陳
設遂有不鋪大卓布各人前置一小方布盤下別一小
圓布皆本色綉花有各人前置一五彩綉花絨布方圓
八角六角形式不一者有鋪大白布正中置一大盆上
插鮮花圍以綠葉四角與中心置六小瓷盆每中實以
冰乳上覆勺勾臘作蓋蓋中插鮮花一束食肉菜畢拔
花啟蓋按人匙分冰乳亦頗有趣有置淨水一大盤或

圓玻璃一盞四面圍以青苔綠草而放油紙水禽或小
瓷鴨於其上作游泳狀有果品先置卓之中央而堆疊
成山者如葡萄平果桃李梨橘等飾以鮮花圍以綠葉
五彩鮮明凡饌客者各座前卓上置一白紙片上注座
客姓名以為次序其字或寫或印均可此片間有飾以
金邊者近又一法乃大玫瑰一朵擇其平大之瓣以電
針刺人名筆畫皆成白色亦新式也

二十二日辛酉陰霧迷漫冷前日午後英皇與希王在
老文恣園中打獵英國有種土鼠洋名木歐勒緊毛黑

色短腿無尾。小眼閃爍。爪甲甚利。穿土作窟。曲而長。入地亦深。窟中土推出窟口。堆作饅首形。堆下頗深。人失足陷入極險。爾時因英君目注定一野獸。策馬直驅。馬蹄悞觸鼠洞。而踏槍柄折。君腿傷不能步。乘車回宮。電傳御前外科名醫邵武斯診視。邵云無大損傷。惟右腳折斷細筋一條云。新報所傳如此。余今日未刺乘車至卜靜宮。內右朝房畫押于簿。以申探問之意。或云二百年前英君韞良第三。一日乘馬在漢普屯宮前馳走。馬足踏入鼠洞。踏君壓于腹下。回宮三日而崩。故此次傳

三五

聞人多憂懼云。

二十三日壬戌陰霧。西俗不信鬼。而所傳聞者。又多與中國同。有婦名司悌爾者。生有二子一女。四歲。其夫故後三個月。一日半夜乍醒。月光中見女肩上一人手。指手猝視。乃故夫卧女旁。撫女也。拭目細審之。則無所見。疑為夢。當時女醒呼爸爸。婦作聲曰。汝父已在天堂矣。既而母女同睡。少刻復聞其子連聲呼媽媽。曰見我爸爸。五牀前。且言善侍爾母云。即時下牀。然燈察之。房內依然固閉。遂處搜尋。迄無踪跡。此事若在中國。則謂魂

憶家而探視也。又太木斯江引水人周安，失足溺，同夥多人尋覓不得，因其身帶一小馬口鑲盒，係內盛其由特里尼的官署所領憑單，其妻不得是物，無法承其財產。數日後有人領至某巫婆家，謂請招魂問事，使婦閉目靜坐，巫婆在旁念念有詞，婦見其夫至，問其尸何在。言在格蕾伍森堤外淺處。次日，迨其戚友駕舟往尋得之，兜中小盒未遺失，亦未傷損，婦遂得養餘年。又倫敦某戲園管臺人哈里森，夜夢其滿朶斯得城之同學友卜拉寇至，面目慘淡，項結布帶，手指項間，欲言不得。既

而驚醒，次早急坐火車至彼，見其妻詢之，知其人卧牀兩日未起。昨夜忽作謔語，乘人不在時，竟用白絛自縊牀邊，鑲架而死。一人名佛斯特爾者，性嗜蒲檮，屢邀至契于家，終夜賭博，其妻竭力規勸，不聽，因之患病，氣息奄奄，仍厲聲規勸，伊遂誓不再賭。其妻故後，年餘不賭，覺魚聊賴。一日約友玩牌，以消寒夜，由戌刻至子正，彼此勝負不分，止暢賭間，倏見其妻偶立其旁，面色慘淡，低聲斥責，佛戰慄，瞪目結舌，遂散局。一人名霍爾，奚寄居妙家，某禮拜日入堂不歸，其妙夫弟兄尋覓多日，婦

乃連夢其弟三次黃面閉目兩腿皆折訴云為姊夫弟
 兄某月日某處所害屍盛布袋拋之河請姊撈屍歸葬
 地婦無法告于翁翁不可且云苟事犯則汝之子女皆
 無人養育矣婦遂已寃魂含憤去而入夢於其友事
 發遂得直當英蘭瘧疾傳染時武官巴克爾家突到一
 包辦殯殮人謂昨有人命為貴宅做棺材一口已謂我
 家人口平安我長子現在二百里外何出此言爾為何
 人所覓正言間適接其子凶耗昨日某時病故已又問
 包辦殯殮人昨日覓汝者在何時相貌何如據包辦人

三五

所答則正其子之相貌與其子之身故特也德國男爵
 柯曼罕言在德國某城凡人將死必有先兆乃在手帕
 頭枕被單等上自有黑十字數個水洗不去送交藥學
 化學各家考察亦不得其詳必待其人瞑目字自消滅
 云在克倫城有埃達倭者向與名李特爾者至契始則
 朝夕不離繼因彼此工業不同遂不得屢見乃二年前
 李特爾病故自上月埃達倭患病數日前病篤本家及
 其至近之親朋終夜圍守某夜忽聞有人大呼曰我友
 埃達倭陽壽已終請與特爾同登樂境眾聞趨至窓前

外視但見皓月當空樓舍參互而已病人即開目微聲
荅曰我聽見矣當同往言畢瞑目而逝英人司磐者家
有打球卓據云前晚卓上三球倏不見少頃其一自棚
頂墜卓上餘落在南北壁下各一明燈照耀他無所見
也忽白粉一坵自起在卓面綠毡之上畫號瑪若干卓
上一打球棍忽自移行卓後懸空如衡似有人兩手奉
遞者椅上置某婦之皮披肩一件徐徐自起披婦肩上
婦驚倒又法人即碧葉者某夜乍醒見一青年男子立
其旁審視為舊友葛尚然其人故已多年初頗恐繼而

三

交談述其生時所學之格物化學葛衣裝氣色如平生
天將明隱隱而沒甲乙丙三人共居皆在鋪行充書手
者甲乙同畜一犬名卜拉扣甲因事外出久而不歸犬
遂不食而瘋旋被人以槍擊死甲在外一日晚餐犬見
于門外而內窺甲起視之卜拉扣也呼之犬搖尾繼悟
犬已死趨而細審實是犬止詫異聞犬忽不見甲回見
乙述其所見乙謂同日所見者與甲同惟隨犬走出至
其埋處而沒丙聞二人所言頗譏笑之一日丙在他間
鼓琴甲乙忽聞呼叫聲驅視之丙謂適見卜拉扣來至

琴旁且覺有涼物觸其足以故驚呼三人乃感其情同
送一花園于埋處始不復見云美國管庫官賀恩本幼
年孤苦在紐約城寬街旁第百七十七條街賃住樓
頂一間同居者為古氏母女女名愛奴貌頗都後因咳
嗽日見軟弱焦瘁賀則朝夕設法扶持協助之一夜忽
醒見談女立其旁賀問曰天明耶汝來喚我耶女荅曰
現將遠行特來告別且汝前途遠大旺運將興言畢不
見賀以房門關鎖何得竟入往驗門鎖依然正詫異猜
疑之際突聞隔間悲泣聲天明著衣往探則女昨夜身
笑

三九

故其母哭哀也女魂預告之言是後頗有驗云計余所
聞皆無索命害人之鬼是則西國之鬼乃多善良也一
二十四日癸亥早大晴午後陰倫敦城內御前短槍營
各武官每年冬季營會一次名曰營讌去冬余曾一赴
茲經提督滿克立甫等復以柬請今日戌初讌於賽西
店酒正一刻乘車至見各武官及副將鄧飛遊擊來德
立叙少刻入座卓列四形人則百十七本營武官著紅
衣者七八十他皆客也彼所謂外國之客則僅余一个

人首座為鄧飛。坐余其右。屬眾中第一座。樓上營兵奏樂將餐及餐畢時。皆經遊擊門森立起。率眾垂頭喃喃數語。以謝天賜。食後眾齊立舉杯恭祝國君之福。樂奏天保國王。再則鄧飛演說一段。盛稱通營新舊武官和睦同心。營務日有起色等語。後又率眾舉杯祝余之福。余繼立起。答陳數語謝之。言畢。齊鼓掌歡賀。此後有二女六男。陸續歌曲。變戲法。說笑話。皆可人意。更止謝歸。武官一排。各人握手送別。腕為之酸。入夜大霧。二十五日甲子。陰霧冷。河水結冰。入夜霧尤稠密。客人

早

携狗住店。倫敦各客寓之規章不同。如賽西店設專屋。備狗窩。每日二先牛。備專食者。外算薩外店亦有房室。羅列狗窩。其養在所。備房內。或係哈吧狗之。由在本屋者。皆隨時定價。格蘭店不收狗。須別存附近馬號中。惟格婁伍訥店只收哈吧狗。每日二先牛。柴荅十字街店存養樓下之狗。日二先牛。存本屋則五先。店規禁止帶狗上樓。然私袖其狗入室者。婦女恆有之。聞英王微恙痊愈。昨日回倫敦。

二十六日乙丑。早晴。午後陰霧。近日新出一種飯館。名

歐琛蕾斯托蘭意為洋面飯館也。創自倫敦喀勒比火
店。係在大西洋往來各船上開頓飯館。以便客之不喜
本船所備者。店行與船行互定規條。各船特備一廳。專
售頭等美餐。船客欲日食洋面飯館者。特買專票。船行
僅收船費。乃按日少收十先之飯費。其日食船上所備
者。開或改食一頓。或在飯館請同船之客。則兩行互相
折價。其定價。早餐三先。午酌亦三先。晚飯四先。既為公
平便當。且專耐工精也。聞有漢美行之阿美里喀輪船。
初由紐約回漢柏爾。昨日經過浦來茂斯海口。據云。此

四十一

法初創。而了理頗善。往來共用肉三萬七千二百觔魚
四十八百九十觔。雞鴨共七千四百觔。麵二萬九千七
百觔。果品一萬二千五百觔。牛奶三千五百升。雞蛋三
萬七千個。計其水程往來不足二十日。而食物如是之
多。亦足見海客之多。商業之盛矣。

二十七日丙寅陰雨陣陣。昨日由英禮官來赴告信。共
兩頁。一稱奉君諭。自本月二十二日。即昨著在宮中為

魯克森堡公著素服兩禮拜。

地在比國東南。德一亦自國正西。自主小邦。

一亦自

昨日始。為此王之弟王爵費里林著素服一禮拜。函則

外封加里邊寬約二分內兩頁無之又歐北界瑞典國
本係瑞典諾爾噉兩邦合一瑞在東而諾在西近因議
院分爭諾遂思分立初擬立瑞王太子即前月娶英寬
諾郡主為妃者
瑞人不允乃改迎丹國太子查里斯英王前于二十四
之婿
日查里斯與妃同請丹王克立斯堅允准之命當日丹
都扣噴海根通城懸花結彩十一點半同入阿瑪連柏
行宮隨有諾爾噉大員博爾訥等同立王前博先宣云
今謹請陛下允准太子查里斯受加諾爾噉王冕丹王
曰可繼向太子與妃接吻作喜願狀後出宮登四馬金

四星

車有忽賽爾兵前引後護再入卓志王宮對諾爾噉人
誓曰寡人在諾爾噉當必永存信守云云次日午正至
諾京克里斯加邦即位稱曰哈寬第七

二十八日丁卯陰倫敦汽車創自七十年前其法不備
未得盛興十年前街市始見二三乘客亦無多邇來一
二年間則往來日夥或云現在通國共有三萬餘輛且
步隊立有汽車營不僅兵能駕駛更能自造工既精熟
無慮臨時之人修理城中立有汽車會英名教投謀比
克勒卜又名英愛汽車會蓋至今蘇格蘭尚禁用之三

島尚各執已見通國一心之說未必爾也。此會循年筵
讌一次。本年為其第八次于今日戌正設諸賽西店半
月前會首騷色蘭公率眾東請。今日戌初乘車至彼下
樓三層入客廳見代首座司丹力人眾陸續到齊。按班
雁序進飯堂入座。卓式橫五縱九。作三形。人共五百五
十九。美國公使坐首座右第一。余坐其左第二。凡此首
橫者皆世爵文武大員。各卓陳列鮮菊。盛以柳條造之
小汽車。四輪能轉。之頗巧。樓上奏樂酒食豐饒。食畢首
座立起舉杯率眾恭祝英君之福。樂奏天保國王。此後

四三

少坐再祝。后太子太子妃及他各王族之福。樂奏如
前。喫加非時奉各座菸捲一匣。匣外金字兩橫書云某
年月日汽車會讌作紀念也。繼而人之陸續立而演說
者十八各皆萬言。于正始畢盛會也。

二十九日戌辰大晴。今日墨蕾請午酌已正。偕內人率
榮驥與孫女乘車至倭特路火車站。買票登車即開。午
正抵艾崗村下車。墨蕾以馬車迎入其家。地名羅泥梅
園。入內見其妻女坐談間。看其所畜之哈吧狗十餘。皆
可愛。北種也。入座同席有葛蕾立德二位太太。本定今

日往謁老君主墳。遂在倫敦利貞街花鋪定做一大花圈。周八尺。輾以銀菊。頂上立五朵紅菊。并葉。統作形。盛以扁木匣。糊以白紙。價三吉。晚半云。食畢。遂同坐馬車。先西行。繼轉北。順大道直馳。共約二十里。至文恣宮東稍南。至福洛格墨爾下車。有守陵官牛特迎進。鑲柵。柵內一小花園。正中一白玉石亭。正面如龕。寬二丈餘。高約三丈。四面八角。四方四圓地。基作方圓合併形。頂上中一圓頂。四面石臺。前面四石柱。柱前石階六級。柱後壁中一門。大致與前在德國所看國君墳其

四

式同。亭內作長方形。四壁上下。花石攢墁。五彩鮮明。入門步數。武正中一白石臺。高五六尺。寬四五尺。長逾六尺。上仰卧二石像。左為老君主維克都里亞。右為君主夫阿拉柏王。皆頭向內牆。脚向亭門。余先恭置花園于君主一邊。繼登左邊所立之木梯。看石像。鑿工精美。甫看如生。距此臺右數步外。另一小石臺。右近石壁。高約二尺。寬如之。長五六尺。上仰卧大公主阿麗奴之石像。懷樓小孩。按公主生于西千八百四十三年四月二十五日。道光二十六年六月二十二日。嫁于德國海斯邦大

公爵路義第四為夫人。故于七十八年十二月十四日
晚緒生有四子二女。次女阿麗克妲。即今之俄后。當時
子女羣患白喉症。公主靈靈自行照料。其三子二女先
愈。其四子病。公主溺愛。屢向之接吻。致被傳染。醫罔效。
子死。公主亦死。故此石像懷摟小孩也。看畢步出。牛特
復引入文德宮中賢卓志教堂中一觀。此中葬有歷代
國王王后及現在英皇之弟與大太子維克多等。有分
葬者。有男女多人。葬於一處者。有做石棺者。有僅地面
覆烏石一長方。上刻白字。書死人名。姓官銜品位者。看

四五

畢齊至車站。握手謝別。登車即開。回使館。

三十日己巳早風雨交加。午後雨止。風息。陰晴不定。暖。
原醫之始。本為療病救人。非專作一種博鈔之營業也。
目今中醫不經考試。自負其能。或有多索馬錢。復以路
遠而加添者。固已非矣。西醫係經考試者。馬錢有定額。
豈不以為使人計哉。乃視其門弟品位而加添。且任意
索求。了無定數。由此以觀。醫為爭利。中外同矣。記前晚
在汽車會之年。譙間駱五觀演說。中有數句云。汽車撞
人。殞命與否不定。而未有索錢者。強盜劫人。刀置頭上。

猶問曰給錢耶送命耶醫生則不然既要錢又要命是言也雖為刻謔竊恐天下之庸醫皆近此也又聞德國巴坦堡王爵魯伊斯于本月中往遊紐約以其牙不甚壯觀二十四日特延本地著名牙醫戴立為之改補乃補一新牙撥正四牙王入座三次共需時不及十一點鐘竟索費至二百鎊王遂如數付訖以後經人傳述通城著名各牙醫會議謂歷來五吉呢一點鐘即為至貴之價十一點鐘之工索至二百鎊須令戴立詳細分解之戴立聞乃置之不理云按治牙索二百鎊合庫平銀

四六

一千六百兩固屬額外擅索然據眾牙醫所言一點鐘五吉呢已合庫平四十二兩五錢亦不為不昂也入夜仍雨大風尤烈

十一月

初一日庚午早大晴午後陰日斯巴尼亞國王阿芬搜上年原擬娶英寬諾郡主覲為后繼因彼此所奉之教不同而止茲聞又擬娶德國巴坦堡王罕里夫人之女幽貞尼為后女乳名埃那現年十八生于蘇格蘭賦性聰慧品貌甚都不日母女將由英蘭赴支布洛塔再至

日國正南臨海之阿吉希拉斯城以度隆冬以備日王
 頻往晤面而得彼此情深也何時成禮未聞按巴王之
 夫人英君之妹碧阿蒂妣也生于千八百五十七年四
 月十四日咸豐現年四十九前于千八百八十五年七
 月二十三日光緒十年老君主維克都里亞命嫁于巴王
 罕里為夫人千八百九十五年光緒二十一年英與南斐洲交
 兵王精通水師自請赴敵英主允之未料斐洲天時不
 正次年患病旋車時故于途中王遺子女各二長子名
 阿柏爾次子魯伊斯即昨在美國補牙者長女幽貞尼即將嫁次

吳

女倪那達

初二日辛未早晴午後陰而細雨陣陣聞上月二十九
 日諾爾噶新王與后由丹國駕諾國官船展輪北行一
 路雪霧迷漫至其都城克里斯加那尤甚因其地為赤
 道北六十度也未初登岸礮臺聲礮二十一迎迓禮也
 雖霧濃雪厚而男女蜂擁歡呼震耳太子歐樂第現十
 歲國民見其手中無物遂令他孩之手舉諾國國旗者
 遞之太子接旗歡樂稱謝當時通城燈燭相耀極繁華
 有一孩于街市間拾得國王于下船登車忽忙之際所

遺之犬親送入宮。王與后同下樓觀面道謝。又通城各學幼童公送太子北極白熊皮一張。此等西規在外不多。遇特記之。

初三日壬申陰暖。西國歷來興辦人命保險。保火險。後有為其犬馬保險。均與賭錢相似。視乎彼此運氣。近又有為善歌者保咽喉險。善舞者保腳指險。善鼓琴者保手指險。據云保指險之常價。乃失一手指。賠三十鎊。一腳指四十鎊。聞著名樂師古貝理善。拽四絃拉琴。其兩指近保二萬鎊之險。設其手遭險。而非指落。則當其不

是

能譜樂。經醫施治之期內。每日賠補十二吉呢。如失一指。賠一萬鎊。保險日奇。不知將來何所底止。

初四日癸酉陰戌。初乘車至白堂街美特婁普店。赴御前學士會之年。譙卓作形同坐二百二十三人。首座雷立倭。其左右為余及土俄奧德丹麻希臘等國公使。再則諾僧布蘭公樞密大臣巴樂佛。并多倭伯世爵。除本會人外。又有各國各屬地及各城各學院之名士。中有俄國天文名士門代立甫者。年逾古稀。會中特邀來。此贈以紅帶寶星。食畢先立祝國君之福。繼祝君后之

福再祝太子太子妃及王族各人之福以後由首座及他人陸續立起演說者十二詞甚長大旨無非天文地理格物化學等類學術子正始畢

初五日甲戌陰而細雨陣陣戌初入老城至倫敦橋北喀楠街之麻什蒙格爾霍勒義乃漁戶會堂赴製造紙牌會更換會首之年譙本年新會首為使館鄰人色爾卜喜慶也此會堂白石樓房高大宏敞裝飾華美比于府第登樓見卜君握手畧敘寒暄繼立其後陸續客到齊共二百五十六人乃依次序兩兩入飯廳卓設形首坐卜

晁

君在橫卓正中坐余其左第一座倫敦美爾坐其右第一座其他客為本任晒里夫前任美爾及地世爵文武官員食畢先將一銀大花盤周約四尺者內盛香水滌紙牌一副由首座傳至各人前各將白布單之一角浸水拭唇再後以大銀學傳飲互愛酒前當時在正面添設大洋琴一架先齊立舉酒恭祝英皇之福再祝皇后太子太子妃及王族各人之福皆鼓琴譜天保國王三則同祝大清國

大皇帝之福祝畢余即起立陳說一段謝其優待深願兩國

友誼日敦等語言訖眾亦擊掌敲卓歡呼一陣後時而演說時而男女四優伶鼓琴歌曲凡演說者無不稱水陸之雄上下會堂之公并主客互相讚揚所能于初始散臨行各贈紙牌一副第一頁背印本年會首之像其他逐頁背皆印迺勒森像蓋以本年為其立功之百年處處書其名畫其像以醒人也此會二百年來已無本行中人惟以歷來所存之款用以行善而已瀕行贈紙牌則示不忘本也

初六日乙亥陰霧半月前善士柳坡請于前初二日申

平

正在上細墨街路南司田衛堂中聽樂募鈔以助貧苦樂工座券直每人七先半購兩券屆時率孫女乘車往屋不大容男女三百坐樂亦平平少坐即歸又本年夏季義國正南左右臨海之喀拉布里亞府之多爾衛山一帶地震傷人甚多凡本國人之在外邦者多設法募資以賑倫敦住義國著名女優特蕾碧尼者自上月中旬寄來兩票請施助每票一吉呢余買信局票如數寄去後又來兩座券請于前日申初在阿蓋街第十八號堂中聽曲遂亦携孫女往堂式等于司田衛男女陸續

鼓琴歌唱十次皆佳。特蕾碧尼年近四旬，歌喉尤宏亮可聽。

初七日丙子鎮日黃霧。倫敦善人自二十五年前五一收拾游蕩失羣會英名衛夫斯安司特蕾斯搜賽伊的凡街市貧苦無依及其父母殘虐之小兒女經會中收養者前後不下萬餘。現擬添築樓房，但鉅款須四千五百鎊。應設法廣募。倫敦大教士畫押立簿，有願施捨者祈送交薩烏艾街教士盧多第云。又已故武官渾特爾之妻兜臘者素稱善人，保養小兒教門新報所稱為養

至

母。蓋代為孩童之母也。獲利甚鉅。凡在外傭工或事務繁累之人，多以撫育兒女為苦。乃月出資而令人代之。業此者不僅兜臘一人，而索價多寡既不同，因之所供之衣食亦不同。兜臘則每收養一孩，于兩三日後即轉交他婦之索價稍賤者。而按月獲其餘，不意于上月某日有一不知名姓之婦人交伊一孩，付以三十三鎊。求暫養。當時係在喀爾的弟村婦去後，兜向一酸溪村婦商令代養。價未商定，兜乃暗以帽攀勒孩死，擲溝中。幸被一暗察事人訪知，送入官廳。昨經官判收監十年。兼

作苦工。兜臘陽為行善而陰恨如此。不知所奉為何教耳。

初八日丁丑陰霧如昨。冷時近西國耶穌誕及新年。遂別創兩式玩牌法。第一曰彌勒托爾詳義。設如設四卓。卓四座。男女各二。每卓為一國。卓上立一木做衛所。上豎本國大旗。四圍插二十小旗。各卓互換一男。作為出本國入他國戰爭。彼此打牌。勝者即奪彼國小旗一奪。旗最多者為第一強國。有時請四國相識之契友。以為戲。雖不賭錢。而甚于賭錢。蓋奪旗多。則於本國增榮耀。

五三

也。第二曰斯蓋義蒼天也。一副五十六頁。分紅黃藍綠四色。每色十四頁。各牌點數亦由一至十。外加小月牙。大月牙。半月。圓月。四頁。惟黃色中缺一九數。而以一大紅圓點代之。為日。其他四色各點皆為星。日月星畢具。故統呼曰天。其中以日為至尊。管轄各牌。其他各色皆由圓月按次轄制。至一數為至小。鬪牌時。男女或五。六人。或七八人。每人旁置小銀碟一。每次各置一錢于碟內。按人分牌。畢。手中有一點者先出。擲于卓心。依次有能管者擲之。無者喝過容。其後者隨擲。通場以手先空者勝。

贏者收錢法。乃手中曾無日牌者。先取各人碟內之錢。再向各人接手內所餘之牌點數索錢。係一點一文。惟向其本有日牌者索加倍。若勝者手中本有日牌。乃向各人手中牌之點數索錢亦加倍。斯亦勝於飽食終日無所用心者也。